

Oqaluuserisassanut nassuiaat.

(Inatsisartut Siulittaasuat)

Ippassaq Inatsisartut ataatsimiinneranni apeqquteqaat aallaavigalugu oqallinnissamik siunnersuutit oqaluuserineqartussaagaluit uku angumerineqanngillat. Taakku taarsiullugu maanna ulloq 28. maj 2015, tassa upernaq manna ullormi ataatsimiiffiusumi kingullermi, taasisaqattaarnerit pereerpata oqaluuserineqarumaarput.

Immikkoortut pineqartut tassaapput:

Imm. 53: Nunatsinni sulisinnaasut tamarmik atorineqalernissaat anguniarlugu, minnerunngitsumillu kalaallinik atorfilinnik qaffakkiartortitsinissamik anguniaqartumik, atorfilinnik pikkorissaasanerup kalaallinut iluaqutaanerumik aaqqissuunneqarnissaanik oqallinnissamik siunnersuut.

(Inatsisartunut ilaasortaq Hans Enoksen, Partii Naleraq)

Imm. 52: Apeqquteqaat aallaavigalugu oqallisissatut siunnersuut, qanoq aaqqissuussinikkut nunatsinni inuiaqatigiinni sapinngisamik pitsaanerpaamik meeqqat sulii atualinngitsut illoqarfinni nunaqarfinnilu paaqqutarineqarnissamik pisariaqartitsisut ulluunerani paaqqinnittarfinni angerlarsimaffinniluunniit paarineqarnissamik neqeorfigineqarsinnaanersut pillugu.

(Inatsisartunut ilaasortaq Hans Enoksen, Partii Naleraq)

Imm. 130: Nunatsinni meeqqat atualinnginnerminni, perorsaanikkut ineri-kiartuutaasunik qanoq iliornikkut ulluunerani tamarmik neqeroorfigi-neqartarnissaat pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Juliane Henningsen, Inuit Ataqatigiit)

Imm. 52 aamma 130 ataatsimut oqaluuserineqassapput.

Ilaasortat uku akornganni taasisarnerit pillugit isumaqatigiissuteqartoqarpoq:

Per Rosing-Petersen, Partii Naleraq aamma Anders Olsen, Siumut

Justus Hansen, Demokraatit aamma Peter Olsen, Inuit Ataqatigiit